

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

XXXIII.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

XXXIII.

COMPOSITIO INTER ABBATIAM S. BLASII ET
CLERICOS SECULARES, DE BURGLENSI ECCLESIA,
PER EPISCOPUM CONSTANTIENSEM
CONFIRMATA.

A N N O M C X X X.

Ex Tabulario Sau - Blasiano.

Odalricus, gratia Dei Constantiensis Episcopus, dilecto filio Bertolfo Abbati coenobii S. Blasii, ejusque successoribus regulariter promovendis, in perpetuum. Quoniam pontificalem ad hoc suscepimus curam, ut quæ religioſa sunt, & bona, propagemus; id juxta vires divinitus acceptas exequi rationis est. Agnoscat igitur omnis, tam præſens ætas, quam futura poſteritas, qualiter ſervitium Dei, ipſo opitulante, in loco Burgulun auxerimus, & qualiter in eodem loco prius unius officii clerici contento monaſtica ſit inſtituta religio. Felicis memoriæ fratre noſtro Heribortone carnis ergaſtulo vocatione divina eduçto, Bertolfus Abbas de S. Blafio, monachos ſuos ad eundem locum direxit, qui ibi congrua Deo exhiberent obſequia. Quæ res, quia nonnullis clericorum diſplicuit, crebras hac de cauſa querimonias in præ-

Nota. Extat hæc charta ap. HERRGOTT *Cod. Diplom. Genealog. Habsburg.*
Num. 211. fed mutila.

decessoris mei sanctæ recordationis Odalrici Præfulis præsentia commoverunt, quas idem antecessor meus terminare desideravit, ea ratione ut nec novella religionis plantatio eradicaretur, nec ex toto clericorum votis contradiceretur; sed optata morte præventus potiri non potuit effectu. Moguntinus ergo Archiepiscopus, pro hujus decisione litigii ab eisdem fratribus rogatus, præcepit atque rogavit nos, ut huic rei finem imponeremus, hoc pacto; quatinus & monachorum ibi perfisteret conversatio, & sæcularibus ministraret clericus. Eapropter secundum præceptum petitionemque Archiepiscopi, nec non etiam usi consilio fratrum nostrorum, Heinrici de S. Udalrico, Alewici Præpositi de S. Stephano, Wolframi, Hugonis, Heinrici, Adelberonis, aliorumque quorundam, Diemoni Archipresbytero, & Herimanno Decano, negotium illud commisimus, rogantes ac præcipientes, ut assumptis, quoscunque vellent, de fratribus suis, rem totam, sicut diximus, diffinirent. In villa igitur *Liela* convenientes ex parte nostra Diemo Archipresbyter. Herimannus, Udelmarus Decani, Rossteinus de Chilichovin, Eberhardus de Scopfhein, Constans de Brizzinchovin, Burchardus de Liela, Otto de Badin: Ex parte Abbatis Adelbero Prior, Odalricus, Wernherus, Wipertus, Wernherus, fratres de S. Blasio, ut stabilis pacis concordia inter fratres firmaretur, tale pactum inierunt; quod videlicet montem Burglon monachi cum decimis obtinerent & quicquid prædii vetus Ecclesia habuit *Bicinun, Sitzinkilcha, Feltperch, Hertinchkein, Bamenacer*, & decimas in monte *Bicinum*; Item decimas Rinwilere præter illas quas dant mancipia S. Blasii & S. Albani, item mancipia cum omni jure præter hoc, quod accipere debet clericus casu si quis tributarius moritur. Reliqua omnia quæ fuerunt veteris Ecclesiæ, Clerico fer-

virent & nova Ecclesia constitueretur *Eckingen* in prædio Sti Blasii ad priorem Ecclesiam jam pertinenti, & hæc Episcopo ibidem servitium, quod prior exhiberet, & Parochianis eandem curam, quam & prior impenderet; in baptizando, in sepeliendo, & in cæteris omnibus quæ juste exigebantur a priore. Constitutum est etiam, quod Abbas pro his rebus, quæ monachis deputatæ sunt, tantum de prædio Sti Blasii quod ad priorem Ecclesiam nullatenus attinebat, legitimo concambio daret, quantum sufficere viderentur, Dîtmaro Archipresbytero cæterisque quorum ipse super hoc negotio uti voluisset consilio. Quapropter ea, quam diximus, commutatio perpetrata est apud *Ekkinheim*, præsentibus & assensum dantibus D. Archipresbytero Gerungo de Blanfingen, Ludewico de Ekkenheim, Joanne de Oucheim, Odalrico, Wernhero, Gerungo, Hugone, Wiperto, fratribus de S. Blasio: Rodolfo de Badin, *advocati* CONRADI scilicet Ducis legato. Anselmo de Bueginin, & omnibus fere parochianis. Omnibus ergo hoc modo terminatis, cum Rex Lotharius, multique procerum, videlicet Ansericus Bisuntinus Archiepiscopus, Bruno Argentinensis Episcopus, Otto Halverstattensis Episcopus, Rodolfus Augensis Abbas, Bertolfus Morbacensis Abbas, CONRADUS DUX DE ZARINGIN, HERIMANNUS MARCHIO DE BADIN, alique complures Basileæ convenissent, Diemo Archipresbyter, & Adelbero prior de S. Blasio, ad nos accedentes rogaverunt; ut quæ facta fuerant, ab auctoritate nostri officii vires firmitatis acciperent. Proinde nos filiorum nostrorum quieti unitatique in posterum prospicientes, Mogontini Archiepiscopi Apostoliceque legati jussis ac rogatui acquiescentes, auditam pacis compositionem episcopali potestate confirmavimus. Nulli ergo monachorum, seu clericorum, liceat ulterius aliquid ex his, quæ al-

teri parti debentur, suo juri vindicare; sed utraque pars illis, quæ in hac sibi concessa sunt divisione, omnino contenta permaneat. Et ut hæc nostræ auctoritatis confirmatio incorruptum stabilitatis suæ vigorem obtineat, hanc cartam scribi jussimus, propriaque manu corroborantes, imaginis nostræ sigillo munivimus. Si qua igitur major minorve persona hanc nostræ confirmationis paginam agnoscens, hanc infringere seu violare attemptaverit, Divinæ pacis expers fiat; omnibus autem eam diligentibus, atque conservantibus, & pax a Domino hic relinquatur, & pax in futuro plena donetur. Amen. Amen. Data VI. Idus Februarii, feria VII. anno ab Incarnatione Domini MCXXX. Indictione VIII. Anno Regni Lotharii V. Actum Basileæ feliciter. Amen.



XXXIV.

DIPLOMA LOTHARII II. IMP. DATUM PRÆPOSTURÆ TURICENSI.

A N N O M C X X X.

Ex Tabulario Turicensi.

In nomine Sanctæ & individuæ Trinitatis. Lotharius Tercius divina favente Clementia Romanorum Rex. Omnibus Christi nostrique fidelibus, tam futuris quam presentibus notum fieri volumus, qualiter